



XUNTA DE GALICIA

CONSELLERÍA DE TRABALLO
E BENESTAR
Dirección Xeral de Formación e Colocación



UNIÓN EUROPEA
FONDO SOCIAL EUROPEO
"O FSE inviste no seu futuro"

Xan Ramón Fernández Cid
Secretario de Organización de CIG-Saúde

CUALIFICACIÓN DE CELADORES

Dentro do Catálogo Nacional das Cualificacións elaborouse unha cualificación de "**Traslado e mobilización de usuarios/as e/ou pacientes, documentación e materiais en centros sanitarios**". Esta cualificación ten *nivel 2*, e inclúese dentro da familia profesional de *Servizos Socioculturais e á Comunidade*.

Esta cualificación foi elaborada por un grupo de expertos baixo a dirección metodolóxica do Instituto Nacional de Cualificación, e foi presentada en febreiro de 2010 no Consello Xeral de Formación Profesional para o seu contraste externo, co fin de que as organizacións empresariais, sindicais e profesionais interesadas presentasen cantas propostas considerasen oportunas para mellorar os contidos da cualificación.

Unha vez analizado o perfil e a formación asociada a esta cualificación se constata que aínda que a cualificación se inclúe na familia de servizos socioculturais e á comunidade, os seus contidos son máis propios do área sanitaria. Neste sentido son de desatacar varias cuestións:

- Na competencia xeral da cualificación se indica que este profesional desenvolve a súa actividade nun centro sanitario, e "cumprindo cos protocolos e/ou normativa aplicable nos centros sanitarios"
- No ámbito profesional se sinala que "desenvolve a súa actividade profesional ou por conta allea en institucións ou centros sanitarios de saúde, públicos ou privados, en atención primaria ou especializada"
- Nos sectores produtivos, indícase que "se ubica no sector dos centros sanitarios....centros sanitarios de atención primaria, de atención especializada, centros de rehabilitación no ámbito sanitario."
- En ocupacións ou postos de traballo relevantes cítanse as seguintes: celador de institucións sanitarias, celador de unidades de hospitalización en centros sanitarios, celador de unidades especiais de centros sanitarios, celador de centros de atención primaria, celador de autopsias, celador de almacén.
- Nas unidades de competencia, nas realizacións e criterios de realización se observa que estes profesionais na súa relación de asistencia aos pacientes e/ou usuarios do sistema sanitario, actúan sempre baixo a supervisión do persoal de enfermería (persoal sanitario.)
- No contexto profesional das UCs, no apartado de medios de produción, se constata que os equipos, útiles e materias que manexan son de carácter sanitario.



XACOBEO 2010
GALICIA



XUNTA DE GALICIA

CONSELLERÍA DE TRABALLO
E BENESTAR

Dirección Xeral de Formación e Colocación



UNIÓN EUROPEA
FONDO SOCIAL EUROPEO
"O FSE inviste no teu futuro"

- Tamén dentro do contexto, no apartado de información manexada, se constata que é de carácter marcadamente sanitario: historial clínico, protocolos hixiénico-sanitarios, protocolos de mobilización, protocolos de asepsia e illamento, protocolos de limpeza de equipos médicos, etc.
- Nos módulos de formación, no apartado de contidos, tamén se constata que teñen un carácter marcadamente sanitario. Exemplos: documentación e lexislación sanitaria, atención a usuarios e pacientes, material e equipos dun centro sanitario, posicións anatómicas segundo patoloxías e mobilización con axudas técnicas, unidades especiais: quirófano, UVI/UCI, grandes queimados, autopsias, etc.
- Finalmente, aínda que no perfil profesional dos formadores, só se indica, de forma xeral, que deberán posuír formación e experiencia neste "campo profesional", entendemos que, posto que os celadores actúan baixo a supervisión do persoal de enfermería, a formación deberá correr a cargo de profesionais sanitarios de nivel 3 ou superior.

Por todo o exposto anteriormente, cremos que o ámbito ou sector propio desta ocupación é o sanitario, e que o perfil profesional e a formación desta cualificación teñen un carácter eminentemente sanitario, polo que propoñemos que esta cualificación se inclúa dentro da familia profesional de SANIDADE, e non dentro da familia de servizos socioculturais e á comunidade.

En consecuencia, trasladamos esta proposta ao Instituto Nacional de Cualificacións, para que a tomen en consideración.

Atentamente,



A Xefe de Servizo de Deseño e
Acreditación das Cualificacións

Ado: Ana Pinal Fuentes



XACOBEO 2010
GALICIA